

定興縣志卷之十二

人物志 列女

元蔡國夫人毛氏張柔妻也淑慎柔嘉涉獵書史相其夫成功業善逮下男女二十餘教養如已出朝廷旌之賜衣

一襲

牧菴集

女阿度幼慧誦習經傳能詩名流稱之

續夷堅志

崔賓妻尙氏讀書知大義賓儒者典邑庠教事元季盜起以少艾被執逼之正召罵曰吾恨不斬汝萬段以謝無辜死卽死耳肯徇汝禽獸行賊知其不可屈揮刃殺之明洪武初有司以狀聞詔表其門成化四年孫崔岱徵淮南進士張文之詞表其墓曰崔烈婦

定興縣志 卷一
明嘉善公主諱素嬪世祖第五女下嫁許從誠以令淑稱
內賜珍膳必先進舅姑貴而操勤冬撚木棉爲綫薨年二
十有四

張聚妻劉氏正德六年流賊至劉匿積柴中爲賊所得曳
令治炊劉罵曰汝賊也何引吾手賊怒刃之表閭

田惠妻楊氏年十九惠卒前室兩子撫之成立天節終身
嘉靖三年表閭

呂志學妻胡氏流賊至義不受辱死事聞旌表從伯父憲
副昂爲記立碑於墓

胡奎繼妻邱氏湖州人奎隨父昂宦南邠娶邱數月奎卒

定興縣志卷之十二

人物志

列女

元

崔賓妻尙氏讀書知大義賓儒者典邑庠教事元季盜起以少艾被執逼之正色罵曰吾恨不斬汝萬段以謝無辜死卽死耳肯徇汝禽獸行賊知其不可屈揮刃殺之明洪武初有司以狀聞詔表其門成化四年孫崔岱徵淮南進士張文之詞表其墓曰崔烈婦

明

嘉善公主諱素嬪世祖第五女下嫁許從誠以令淑稱內
賜珍膳必先進舅姑貴而操勤冬撚木棉爲綾薨年二十
有四

張聚妻劉氏正德六年流賊至劉匿積柴中爲賊所得曳
令治炊劉罵曰汝賊也何引吾手賊怒刃之表閭

田惠妻楊氏年十九惠卒前室兩子撫之成立矢節終身
嘉靖三年表閭

呂志學妻胡氏流賊至義不受辱死事聞旌表從伯父憲
副昂爲記立碑於墓

胡奎繼妻邱氏湖州人奎隨父昂宦南部娶邱數月奎卒

邱年二十一守節六十餘年卒於浙夫柩寄秣陵遺屬遷之合葬

李萬妻吳氏年二十有六寡居厲節育孤嘉靖四年立坊表閭沒年八十有八

縣吏陳璽妻戴氏璽卒十三日雉經殉焉

劉惠妻居氏惠亡欲殉姑不可乃奉姑撫孤年踰耄卒

胡自明妻李氏明死無子號於天曰婦人以夫爲天今天塌矣我安能活父母再三敦諭乃撫二女以節終

李之玉妻郭氏爲賊獲趣之上馬大罵不從賊疑其有携挾搜之曰汝何人敢以手近我罵愈厲賊以刃脅之曰我

不求生也賊怒殺之

梁朋妻張氏夫亡守志有勸改醮者曰舅姑在堂遺孤在鄰恐貽九泉之恨妾誠偷生者豈爲狗彘之行耶歲飢鬻衣飾撫三子皆成立賊至不犯其門

張節婦合葬墓表

苗景新妻蔡氏二十而寡孤方八月族人莫奪其志立孤完節卒年百有三歲

樊梧妾王氏梧卒年十四誓不他適撫遺腹子尙仁卒年七十有九

趙世明妻李氏年二十七殉夫而歿

田仲卿妻徐氏年十九仲卿卒無子或欲嫁之引刀將自

到眾懼乃止卒年五十有六

生員楊士宏妻孫氏容城徵士奇逢女稟家訓執婦道明決有識丙子城陷奮袂先沈井爲婦女倡刑曹郎胡向化以狀聞得旨表門

文學王國翰妻李氏事姑孝丙子避兵蘆中被掠刃脅之跨馬不從詈詞愈厲斷頸而死

舉人李定榮妻陳氏丙子從姑避兵河內邨坐井旁窖中姑謂陳曰邨故死地垣以外廣原豐草可以幾免陳曰固也萬一不免若何不如井之可恃也姑率二孫伏園中陳決意不出聞擊戶聲率子婦投井死

武舉王薦妻孫氏丙子城陷登樓促內屬投繯畢引刀自剄死一時殉難此爲最烈

范士楫妻馬氏丙子城陷携三女及子婦王氏投井死媵婢繼死者九人人號爲五芳井

縣吏苗景珠妻姬氏性靜肅常舉女慕貞潔語爲家人訓丙子之變卽日與子婦楊氏坐井邊不去人或勸之曰吾輩婦人以得死爲幸女已嫁爲生員時逢吉妻亦迎之來同宿食井邊四五日聞城破同入於井

生員陳擢穎妻楊氏丙子兵警勸其夫與長子遠避他所曰勿以我爲念城存與存不然歸當求我於井中爾城破

與少子及女入於井

耿好仁繼妻楊氏累封夫人丙子之難携子婦孫婦從容入井死宗人太學耿學周妻張氏生員耿好問妻馬氏率子婦許氏等十三人投井死一時死者如韋材妻等甚眾邑令韓昌應立眾節碑

蔡永興妻劉氏夫亡時年二十遺孤始數月翁年六十餘姑雙目俱瞽日夜祈天祝翁姑壽且求子成立後翁壽至八十二乃終子亦成立劉年七十餘鄉人公舉於官王令德新匾其門曰節孝兼優

同知陳正心繼妻姜氏撫育諸子孀居幾三十年丙子城

破死于井季子展學妻楊氏從焉

廩生王佐妻崔氏佐多學能文宿有德望丙子城守推爲督率崔謂之曰城全固是美事萬一勢大難支君當自爲計勿再顧家園井是我畢命處也又屬其門人曰汝師素弱臨難恐不能自全汝輩扶持之方見平昔道義之重城破投於井

王茂妻劉氏易州人副使王家賓子婦也茂亡守節丙子之難劉率其媳姜氏登樓自縊死

易州志

生員鄭卿妻何氏年二十七夫死三日雉經焉萬厯間旌表建坊曰乾坤正氣

國朝

耿極妻孫氏奇逢弟奇彥之女姑杜性嚴甚家人卽小過不寬假早遭兵燹家猝落抑鬱之際恆多不豫氏事之維謹雖流離顛沛百憂交集必多方解慰得歡心而後已厥後境益困日食無所出氏以紡績佐甘旨常枵腹終日而堂上三餐未嘗偶缺也姑病熱隆冬非生柿不甘氏慮其冰且傷脾懷胸前煖之姑患喘嗽以氣弱痰不得出氏恆以口就吸之病中有所需無夙夜應聲立至姑安之嘗謂雖當富有時未能如此之咄嗟立辦也

府志

鹿忠節善繼繼室王氏溫懿貞順年十七于歸自忠節殉

難後卽閉戶清守焚香獨坐久之若有所得一日語家人曰某日迎我者至矣至期無疾而逝婢僕咸聞異香及空中鼓樂音云

府志

王文秀妻佟氏夫亡守節順治二年值兵變義不受辱被

殺死

大清一統志

生員陳啟元妻常氏夫死無子立嗣守節順治九年大荒嗣子餓死子婦他適常飢且死矢節不移姪常應登迎回家養之終身年七十二卒歸葬於陳

生員婁雲衢女許字井家兒井死而貧不能立雲衢病將革撫幼女呼長子婁生屬曰汝妹尙未治裝將地五十畝

作胭粉資毋欺死父陷不孝後有張姓強納聘女以父命拒之兄不聽女密令媒白於井曰如不速爭甘心一死井聞之無奈鄉人共爲不平謂媒曰伊親迎必經井里自有方略至期張鼓吹過里鄉義士擁輿入井家諸生公舉邑令旌之

任發祥妻王氏執婦道賢而孝發祥卒王慟哭欲殉家人諭之終不欲生有媒氏溫言勸慰遂怒自縊死

見一統志

陳子啟妻陳氏安州人丙子之變子啟被俘陳年十九閉門撫孤日夜號泣望天焚祝五載有自東逃回者云陳已死痛哭幾絕乃喚前妻子托以孤曰予之所以不死者冀

汝父歸耳今已矣遂絕飲食數日而死

許顯謨妾孫氏謨卒一子尙幼誓志撫之旣弱冠而死人
勸之嫁不從依謨嫡子濬祺亡河祺又死撫祺之子定興
以至成立備厯艱苦年踰八十卒

吳進臣妻張氏年二十六臣死遺孤二甘貧撫之備嘗荼
苦後爲二子娶婦皆相繼而妖各遺一孫又竭力撫至成
人其際益艱其操益厲閭里稱之

杜鑑妻宋氏鑑逝宋卧病三年幾死者數姑亦先逝舅老
而齒豁不任啖飫宋每手烹以進行或扶掖手滌厠牖曰
事八十歲老人不此時自盡尙何待乎

生員許業妻杜氏徵君杜越妹也業死時年二十七舅姑先逝惟祖舅存年已耄矣杜上事下撫內外家政皆身任之歷兵火荒災支持百苦卒保其家教二子復振復亨皆以文學成立

以上乾隆志

鹿憲祖妻石氏憲祖有雋才早卒石矢志守節夫叔聖權爲立嗣備極撫慰石感泣盡子婦禮同時趙璉母某氏聖權妻族也亦早寡守節聖權常周恤之

陳兆崙紫竹山房文集

鹿曉繼妻顧氏曉卒氏年二十二撫孤苦守康熙四十四

年旌

雍正通志

李貫斗妻閻氏二十二歲夫亡守節七十年康熙四十四

年旌

同上

王瑄妻李氏二十二歲夫亡守節事舅教子孝慈兼盡雍

正三年旌

同上

薛功溥妻楊氏年十九孀居孝事祖姑守節五十年雍正

五年旌

同上

生員崔聖時妻鹿氏年十八于歸姑病篤氏刲臂和藥以進疾爲之愈未幾聖時沒子亦歿氏觸地痛哭曰夫亡守子子亡復何守絕飲食者數日其母馳救之責以姑老須養義不得死乃撫夫姪爲嗣苦節以終已旌

黃久徵妻楊氏早寡守節八十餘歲卒子國正孫汝玉亦

早故媳趙氏孫媳李氏均矢志守節終身時稱爲黃門三節云

王從進女年十四許字梁通義子國成旣而國成被逐通又養族孫爲後議以女續婚進許之女聞之曰旣許子復與孫如倫理何乘間雉經死

李氏女許字馮姓聞夫爲盜羞忿縊死

以上府志

郭杕妻李氏鮮魚村人杕死年二十三矢志守節上奉孀姑下育孤子惟恃女紅以給未幾子死姑亦繼亡竭力殯葬有欲奪其志者李呼天痛哭誓曰生爲郭氏人死爲郭氏鬼年六十六卒